

հոյակապ վանքերով և եկեղեցիներով ճոխացած էին և որոնց ուրացումը կարելի չէ, անտարակոյս պիտի փափաքէին վայելելու Յորդանանու օրհնութիւնները: Մենք վերև յիշատակեցինք Յովհաննէս Մոսքոսի մէկ վկայութիւնը որուն համաձայն կը հաստատուէր թէ Բեթաբրայի այրերուն մէջ հաստատուած էին անապատականներ՝ և անոնցմէ մին Յովհաննէս՝ իր բնակած այրը փոխակերպած է եկեղեցիի՝ անուանելով զայն Ս. Յովհաննէս Մկրտիչ: Ինչպէս աջ ափունքին՝ նոյնպէս ձախ ափանց գետեղերը զարգարուած էր այլևայլ ազգաց վանքերով և եկեղեցիներով: Մեր հին մատենագրութեան մէջ Մովսէս Կաղանկայատուացի տառջին անգամ կը յիշատակէ հայկական վանք մը և եկեղեցի մը Յորդանանի քով (Տե՛ս Պատմ. Աղոյանից, էջ 423) «... ուր Փրկիչն մկրեցաւ, յորում եկեղեցի սազաշէն խաչաննակ յարևարեայ՝ 80 կանգուն երկայն 80 շայն, երեք սեղան խորհրդոյ, և պատարագ մասջի . . .»: ասոնք ականատես ուխտաւորի խօսքերն են. եկեղեցին շինուած է որրանաձև, խաչանման և երեք սեղաններով: Ի՞նչպէս պէտք է ճշդենք նոյն եկեղեցոյ շինութեան թուականը: Քաղկեդոնական խլրտումներուն պատճառաւ Երուսաղէմի հայ Միաբանութեան մէկ կարեւոր մասը երբ Ս. Տեղերէն ցրուեցաւ, կարեւոր հատուած մ'ալ հաստատուեցաւ Յորդանանի եզերքը: Անաստաս հայազգին իր Վանօրէից Յուցակին ներածական մասին մէջ կը գրէ. «... եւ նոցա ոչ կարացեալ համբերել՝ թողին գտեղիս իւրեանց. և ԺՆ. վանք միայն մնացին. և կիսի ի շերին Չիքնեաց և այլ սերձ ի Բերդեհեհ, և Սիւնակսն (Սինէական) կրօնաւորք, և ի յեզր սուրբ զեսոյն Յորդանանու, և ի շերիկն Փորձուքեան, յԱնապատ Փրկչիկն. և ի Թափօրակսն շեսուն, և ի Հերմոն՝ հանդեպ Թափօրայ, և այլ եւս ի լոյն կողմանս Տիքեորակսն ծովուն...»: Եթէ, ըստ Կաղանկայատուացիին յիշատակարանին, չենք կրնար աւելի հնագոյն թուականի մը տանիլ Յորդանանու հայկական վանքը, վստահաբար պիտի ընդունինք թէ է. դարու կիսուն քաղկեդոնական խնդրով Երուսաղէմէն ցրուող հայ կրօնաւորները Յորդանանու եզերքը շինած պէտք է ըլլան հայկական վանք մը: Այս հայկական հաստատութեան մասին Ս. Տեղեաց արձանագրութեանց մէջ յիշատակարան չունինք և այժմ ականդութիւնն ալ մոռցուած է: Միայն մէկ դար առաջ 1813ին Յունաց հետ տեղի ունեցած դատավարութեանց առթիւ Պոլսի